

手教從雲墜情辭爛熳紙墨間朗讀之宛挹門
下顏色胡惓惓鄙生如此乎門下德厚才鴻出
宰百里直用其塵垢土苴而美政蜚聲自相輝
映貴治黎庶且欲借恂而不可得門下又何難
焉益某以門下生平卜也去冬抱恙歸遂失此
良晤言及更益悵惘秋試且迫郎君無住翩翩
才儁故當扶搖直上顧某碌碌藻思繡澁不知
能副長者望不溽暑方來計閩土較甚惟爲道
爲蒼生自玉

管涔集

卷二

二四

答星源張敦孺

不想寄畢冢宰公書若斯便信是逢奇承惠教
太朴山新稿不佞情忠可益並受其教惠哉誰
之功德則施主者爲敦孺足下

答查賓王孝廉

拙尺一自許一班耳豈期國都友人盡取其糠
粃而簸揚之力人人捐金就劖劖氏弟輒自冒
醜以爲弟故非噉名者翰墨游戲聊足娛年今
人知不知後世傳不傳俱弗問也庸詎知嫫母

一出業見結喉軒鼻狀乃猶鉛飾以比肩威光
豈不羞哉足下誤嗜羊棗損白選助梓費弟汗
簌簌下轉覺惶恐已榮歸以何日脂車知已兄
弟渴欲命樽壘與足下徼飲一滌渴腸緣客旅
狼狽甚竟逗遛至今今大恨曩賀之大草草也
別承示某某寓良感

答南粵楊復所先生宗伯

伏惟台臺卽身卽道此道生生化化摠不離此
身真令人語言索之而不得工夫求之而不得

管涔集

卷二

三五

意必惟象罔得之鄙生某器鈍無似了未聞學
惟是捫心噤舌不敢向有道前漫開口屬者不
自意天啟夙緣得奉顏承教謬蒙台臺諄諄化
誨之指迷呼寐語語刺骨某直捧爲裨身之善
物但稍涉存想便非本來只覺臆中東牽西絆
酷似蜂黏蛛網愈求解脫愈更纏縛何得借台
臺鉗錘力令蓮花生火坑耶且也又有以請教
於臺下日用間果能一念不起否果能隨處省
察名將把何者認作心如何而謂之操心夫心

神物也不操則不存操之輒茫然泮渙無下手處此則愚蒙所不解於心者也念台臺愛某猶弟子當不吝覺我點我來論勉以究竟做人自踐其言真仁人之言哉某將佩服終身終其身以之焉程宏之蕭伯韶信台臺若神明何異卜氏依尼父也某亟拜亟去政如乳兒驟離其母恐難自生活矣匆匆束裝匆匆佈謝種種所未申期以異日

答邵翼廷都諫

管涔集

卷二

三

某不佞曩者不揣妄所奏獻既自幸旋復自愧夫以三逐之媼銜顏楚庭下澤之乘逞足晉廐縱門下忘我醜而不鄙夷之寧不顧影自慙取刺於大方哉某束髮從事鉛槧之業時時與今姪游至今稱莫逆友顧乃猶溷溷塵氛中直天地長物耳仰止門下神龍威鳳翱翔千仞鎗色飛焉辱瑤章以貽不佞則非不佞之謏陋所能承也開筵莊誦俊逸天致逼真盛唐某獲之可珍百朋已日枉駕值某出殊缺趨迎統祈炤亮

寄曹忠可

余微先是六月不雨已而雨不絕當有秋兄讀
書雲居有二三知己故應把臂相扞相樂也轉
憶依依分袂時太作兒女子態矣夫我輩相與
政不必攢耳摩肩惟注以真精神斯千里眼前
百年旦暮豈其以迹踈數哉會便削片牘報妹
甥平安一切寒溫語都不載

答婺州汪仲宣孝廉

駢然有琳琅之貺某嘉且亟亟拜焉竊以門下
管涔集

卷二

七

邁天人之英操宗匠之器精求性命以希太上
愛然古君子哉不佞從垂髫時遊令長公門思
拜下風願執掃除之役久矣家兄侄頂禮受指
黠工夫頗各見地某不佞空空具雙眼于此道
雞肋耳誠何幸得門下矚睽千古而肺腑故人
乃爾卽儼然備諸弟子列亦曷以踰茲祝石林
師向某有言仲宣孝廉余之良友其人古貌古
心行與文符絕無近世佞巧習晚年博一科聊
酬苦心實必竟此人非此科其重輕祝師知人

哉知言哉蹠蹠呈正踽踽笑人報旅次數行敢
雜之行囊中勞煩貴侍者令長公師席希一道
延佇意

寄潘去華尚寶

爲問門下近起居何狀踰年不見遙想爲勞從
客冬兩奉箋教嗣後竟寥寥已而某不數數寄
問者豈其忘焉緣去秋負笈吳遊遘以奇疾岌
岌乎幾槁風聞於家家慈慮荆頰怖益方此其
時長臥牀褥間骨如柴立尚記谷未有言萬里
管涔集

卷二

三

之外以身爲本念不歸恐增母慮心遂抱恙歸
歲且闌矣春王正纔稍瘳隨卜棲於山谷之墟
托名藏脩倦罷禮數卽如所校類纂鐫木者垂
年應奏記未會便殊亦未力覓便寄深信門下
愛我大能索我於禮法外竟不自覺其濡滯耳
乃區區此心雖寤寐未嘗不金臺朱紫之署某
何能須臾忘而門下乃亦不遐某耶曩聞遭祝
融災諸都無恙祇恐震駭太夫人也太夫人天
壽平格克儀南國想門下喜慰詎常老母明年

歲復六十碌碌丁生羈牢丘壑中無以爲子知
已丈忝在忘年交能肯憫其孤而有以闡揚之
乎孟蓮洙宗師屢推不轉邇且知田歸豈其貂
璫輩從中撓之顧此師絕學無爲閑道人無不
能視一官若薈甚可爲世道人心虞耳屬者就
試南都試罷值詹業師汪直指腕舟北上箠械
以候台社闊隔私悰百不悉一

與王敷求

敷求足下冲襟雅度超軼群倫不佞弟向嘗湖

管泮集

卷二

二五

上慕之如不佞駑駘下廐足下胡不枯之皮毛
而索我於牝牡驪黃之外耶憶棘闈前弟情况
昏憤羞具頭面無復人理厥後神氣倍王得免
疾厄苦者伊誰之賜也心佩靈草並以佩傭工
之助於發軔時此無論弟卽陶姚諸君誦足下
誼無窮

寄豫章黃貞素孝廉

招提分袂大覺惻悵殆戀戀難爲別哉體中小
抱痾因乏靈谷之餞郭邵兩兄祖餞來口足下

別時戀却弟不舍足下故是有情人某某不宜
置不問也某某爲足下致縑綵矣更浹辰可抵
淮爵使計南還能具悉二尊人無恙狀足下遊
子少置念也須叱馭向長安拾巨物耶簷晷間
弟四六那得佳謬漫伸紙嗣供覆瓿至言文則
文不乃言之累乎弟無所短長大見於此居平
頗以翰牘自慰然世眼多好奇此易曉終恐不
堪見大巫何當損兄赤玄從諸君壽之木徒取
木災哉昔人得魏收文輒投水曰吾爲魏公藏
管涔集

卷二

三

拙足下果弟知己盍亟謝梓人罔令鄉里小兒
作妬戟手以舒也胸臆鬱滯欲吐而闕鼎歲春
闡竣可訪弟於黃山白嶽之間取斗酒轟飲十
日拉無住登之諸兄弟共續招提歡嬉如快哉
足下慎勿寒盟

又

弟以孱弱病軀勉入塲原非齧膝乘旦之足宜
其躑躅康莊外亡怪也可恨同寓諸君如郭如
周如史如劉並弗售豈其吾儕應阨此陽九真

可啞然一笑矣貞素睹南錄必且駭之憐之場
竣勒八行寓諸維揚稍者稱畫鷁已發爰歸原
封今附上見別後有前一段焉小陽初旬弟始
旋十有二日抵家未踰時過祁閭謂劉著泉令
君辱之令君折節下交過意延款有孔明集思
中郎倒屣之風而傾蓋以之誠昔人所謂托千
載於一晤非獨契闊私情者乎感哉不已因而
注想足下不已足下依然潛脩天壇乎豪興不
減未慶不同筆硯者爲何許人蘊藉夙淵著作
管泠集

卷二

三

定富吾知三百五先鋒之必貞素也管泠拙集
荷賜校正願急呈覽緣劄劂氏玩愒遂令締構
之遲殊爽舊約不知其可將母乃爲范張所笑
歟吾兩人者相信以心安事經經却不知其不
可亦自可笑

答汪錫予

披吟雪賦資清以化乘氣以霏愛然無一剩字
乃知仁兄胸中具有武庫此殆張左亞也仁兄
何驟詣此境地業已辟易前人絕塵當世亡亦

文章老自神乎卓哉吾儕復有仲魯登之借我
錫予鼎足而三圖千秋盛事者耶如弟學不通
方隅則有僻情稿立耳終當蠅勉必無傷足下
之明

答洪都劉著泉父母明府

不類某之仰止高山舊矣今年冬甫獲摳衣臺
下晉挹龍光猥蒙老父母忘分倒屣傾飲罄石
意思懃懃懇懇若將鑽某之皮而出其羽毛也
者其奈某之摧頽纖弱折清風而耘何然惡欲
管涔集

卷二

三

死而感入骨已旬日間熟瞻臺下稟至仁之種
洞性學之源而且不有其有汲汲焉以天下人
爲精神緒及政治必使毫髮無冤白骨皆肉斯
之隱功殆遠過羊舌郈成公區區鄰封書生藉
天幸沾其波潤耶紅亭綢繆言言此心心言此
學拔某蓬茅不淺某自惟一種道力綿薄雖目
從應感中爍煉不妄分精神於耳目常恐欄柅
弗固未免爲風濤所震撼卒致末路之難也更
冀臺下加手援引俾不至沉溺以貽玷有道其

願乎詩云人之好我示我周行臺下何以竟教
焉佻奴郡城旋拜瑤函深任愷切長途中千希
願真葆和以棟斯文

寄宛陵戴孝廉管太學

計與兩足下拍肩伽藍時也可謂晚合今且各
各星散矣追憶疇曩衷懷愨然比來復把時新
足下臂時時新披肝瀝膽不難悉備嘗艱苦狀
乃茲一鳴驚人却是天降信英雄自戰兢惕勵
中來哉管丈此舉不過六月之息扶搖羊角九
管涔集

卷二

三

萬益上弟一驚劣之人鮮所憑藉其於文章翰
牘俱師心自用耳交口揄揚真所謂鳳凰翱翔
於天池而不賤鷦鷯也齊雲之遊無自食約弟
跂足

答祝無功師給諫

黃門百冗蝟集而乞詩字者踵接其門師食且
不暇何暇有餘力及文文只求真求得益得而
後文爲吾師之真文自非然者則猶人之文耳
夫弟子不嘗猶人者哉漫比擬於盲史腐令恐

文苑先達家如某效顰亦恐遇識者謂不如床頭捉刀人仍師寬假簿書之暇屈爲點染嗣去後日引領望歐陽謝汪三君之一先至者師須無忘也感時二首憤激悲壯不減少陵憂世語書扇頭并手教讀之悅然時某問奇楊貞復宗伯所缺然不報楊宗伯之學得之羅近溪先生大要近取諸身味以無味日用飲食不離這箇且能忘却貴顯逢人接引而期弟子某意更懇惻當下對某有明德止善之訓有脩己安人之

管涔集

卷二

三

訓有洗心退藏之訓有過化存神之訓日復一日綽無倦心觀其意若以鉛刀尚堪磨礪異日可備牛溲馬溲之用者某則何能忘退自揣摩鈍甚何以得宗伯爾爾想是因師爲弟子以鳥及弟子之弟子弟子某則又何能忘師

又

不肖某僻處蝸廬時時馳想吾師不置特山川遼阻鱗羽闊焉殘冬新春鄒陸兩生抵白門謁黃門嘗一再附咫尺之書而乃不聞德音將所

托付之浮沉耶每從秣陵來者頻問興居僉云
朱顏青鬢氣銳神王雖吾師受稟龐淳意必得
於丹秘之素也山海神僊不足異矣締觀吾師
道空千古師表一代禊社凝休在在福地某不
肖忝列門牆盼睐若知己恩愛若骨肉自維何
脩疑是夙緣不則某只天地間長物辟猶春蠅
秋螢耳深自悔生平學力綿薄杳未聞道妄習
彫蟲末技掛人齒牙還証身心毫無裨補用是
疾讐筆研寡却交遊謝一切紛囂日恣意於幽
管涔集

卷二

三

巖泉石之間遠避市塵托名脩稅而實以舉子
業督課兒曹儻邀寵靈稍振家聲一了未了書
債於願畢矣兒曹行年十二差小能文幸免頌
鈍何以能仰企師家之佳公子佳公子天生國
寶舉世莫上吾師有餘不盡之流休哉美哉弟
子某學道無成治生無策日復一日就涸就枯
恃師愛深遂無嫌以瑣屑涸尊聽也潘郎時尚
謀生漢西市得吾師餘潤當不落窠陳貢士仍
共事否傳聞王中石翁已化異物果爾世乃喪

道可歎可歎歐陽令尹赴滇任取道干謁虔械
附侯仰祈願真保泰以求天年

答就李凌冲垣

尺牘千里情詞深委足下大依依不佞哉第中
間所以鏤飾不佞者不佞不敢當固足下自道
耳以不佞觀足下文藻之霞爛也是鴻鵠之筋
骨羽翮已就尋將奮翼揮獵負青天摩赤霄倘
徯乎忽荒之上矣不佞猶未孚於卯也不敢當
也曩足下臨敝郡僕聞藉甚而夢豔及不佞之
管涔集

卷二

三

遊越又親罄歎而意傾乃俄而別別且久不佞
寧忘之耶而足下書至今未報足下將以不佞
爲太慵也庸知不佞半載病奪半載試奪歲晚
財休所以圖報者如此

與劉聖隣程登之

吾曹兄弟獨賓王餘都居孫山外喑嗟怪事令
人氣塞賓王元是斲輪手昨硃卷峻潔饒奇應
冠多士今似少貶置儔伍中要不足多羨雖然
頗亦可砭世眼膏肓自吐氣耳功名富貴如

飄風驚雷須各各以道眼破之抑人生遇合自有時吾曹七寸管尚在也遲復何害

答鄴下梁不溢

酒酣耳熱召至輒仰天撫缶而笑蒼翠縹碧已落吾杯底矣遂以秋露白屬平頭令携茶鼎從但此時尚謁龔廉憲楊節推少逸便到當呼盧鬪籌作竟日遊也鼓吹一部遣先往

答高梁關念劬令君

鄔節推以行部至綦按臺以巡狩臨不佞某從

管涔集

卷二

三

隣治稔習君侯丙夜退思軒日食不遑給是以下土下民煩神明神力多矣古書文集名畫繡圍供院張設職爾攸司承走胥吏拜予瑤械種種若命籍手以往別諭弘農蕭生操命祿之術來游新安畢獻其技出郢中郭宗伯門下人宗伯曩司成南雍時不佞某負笈橋門業蒙拔錄國師體統尊崇祖制私謁明禁凡諸六館十二班之士保守藍袍青巾如捧琉璃盤行九折坂惟恐或墜也因是不佞某復何可越例冒冒唐

突自貽罪罟聞與君矣善斯乃蕭生薦蕭生風
流文雅輩也一經品題便作佳士宗伯令君兩
門下無虛哉貴侍言旋倥忽裁覆不盡之談載
諸再柬

答龍坡聶玄液

豈其然乎我聞之矣文始經云見精神而久生
忘精神而超生夫見精神而久生命宗脩長生
者是也忘精神而超生性宗脩大覺者是也命
宗之僊拘形滯氣報盡還來性宗之僊入聖豫
管涔集

卷二

三

流與佛同果公不聞西方金母與觀音大士虛
空之中時時同坐一處所而重陽七真及曇陽
大師皆從僊悟佛以佛脩僊乎嗟嗟人生浮幻
知性者希公今者上脩葱嶺三車之教下合中
山千日之藥清靜無爲不爲物企念欲推尊彭
祖夫彭祖出於陸終氏好爲恬養之術歷年八
百而人竟莫知其所終益其大要在不搖十物
不逆五氣升降而還陽可以不死長生久視洵
無出其道矣得此衛生要訣者惟唐天台赤城

居士司馬子微宋龍門烟霞道客謝自然也而
今而後公但修無上菩提見性歷劫則不必講
還丹而般若卽丹不必求長生而求劫不壞是
已不慧某一寡昧道民耳質弱消鬻根孤鬻杌
牽綴疲朽塊然自喪欲尋求安身立命杳不識
大覺金僊雖日紛紛嗷嗷究竟於命宗性宗毛
髮無補

答莆中徐侍御

某某款段庸蒙未窺牛豹其視門下柱後惠文
管涔集

卷二

三九

分判雲泥何意得溷賤姓名於侍右復辱門下
注胸臆於賤姓名也母亦貴同門蔡梁解三公
過攄獎借門下謙光素存如江海之藏且納乎
遠遣綺械更頒彬貺當之汗出沾衣捧誦之餘
光生蔀屋卽有火齊那足爲珍哉門下績茂戴
星芳譽泮泮道路耳輪灌注轟若雷霆指日柄
樞衡依日月勲業著旂常洵所謂備風翻者搏
九霄而具霜蹄者輕千里也休介崇山摠之隸
于畿輔花封縹緲猶曰比隣曩門下綰符以來

餘波每及晉國故鄙生竊用景仰李君侯業同
錯治渥澤久沃人心煌煌貴藉兩相輝映百世
未綿孔邇矣松蘿之茗無非賤土之毛貢獻末
繇恰逢翰命第製茗此僧苦行不戒曾蓄髮而
爲凡夫離山還俗經五年所今以其弟子所製
者如數置上此真受其製茗之衣鉢故香味自
是清爽門下啜之更助退食委蛇耳端忝山中
董製稽從報命違遲草率不恪統祈鑒照

答興古趙達行國錄

管涔集

卷二

四

門下持衡詞苑分鑿辟雍固都人士所長鳴於
倍樂而一顧自喜之時也門下所振拔而爲之
造就豈淺鮮哉締觀門下清標雅操直氣勁節
迥別名流而提撕汲引之誨昭揭於行住坐臥
間真無忝人師矣不穀某編蒲豎子浮游藝圃
無能撰述間有時義雕鵠未成漫漫鐫鋟政如
蓼蟲久居蓼中相忘於苦乃不取哂宗匠之門
幸已多方溢美播揚椒感當何勝紀語云虛名
易損盛名難副不穀面孔行何如掩焉復蒙門

下相與必禮相適必情種種挈榼流觴飛惠禪
林淋雨中直令受者邀望外之寵頂禮拜嘉歌
舞清啜視若瓊漿味芬滿口

答晉陵狄玄石州守

余不佞白晢纖瘦骯髀七尺耳夙患沉痾瞬息
潛療非神力那能神速到此門下道德玄同曲
折符合故械書佈情自爾凱款不佞展轉圖維
誠何幸獲神陰佑疑是生平或足以招徠之然
不佞生平處心只造事求不愧心毫罔有隱行

管涔集

卷二

聖

可格神明神明誤隆某眷發諸夢寐風聞隣封
近南都薦紳友人出藥石礮不佞不佞嘗謂之
知言養生論忘歡而後樂足遺生而後身存門
下善承一語先得我心知言哉而且云不責報
章此又寬不佞微勞不佞自嘉平至今朋從雲
集牘札盈几出則啣杯瀨醪止則操觚攤辭至
昨乃休以爲不相酬應則傲侮放浪自處犯過
高欲一一裁答則形敝神疲實不能支吾必何
道而可今日稍閑今日又得貴同年書迅手勒

復附之公家玄石山房

寄白嶽金羽士

朱明造別倏忽玄冬懷想故人長江爲隔悠悠
之情空寄諸夢寐耳別後朝真人士多寡何若
客不貴多而貴好仗義願布施者如善男子多
多益善也錢明府潘中翰發布施願向各各手
批今曾出納否足下出家人費在家心行在家
事初念欲脫塵埃絕煩惱希清淨無爲證蟬脫
輕舉乃反爲塵埃牽纏而勞煩更甚日復一日
管涔集

卷二

望

無休歇時將何道以自度之不佞功名嗣子兩
念都無一了又恐漸薄唵嚙亦不識何道以自
度之子姪輩讀書山中相累仙厨復費出家人
一片心幸迫切訓諭着實用工早僥倖成名以
無墮家聲庶不負鍊師今日朝夕之雅也人來
附此以訊

答北海曾沂南同卿

門下英靈間氣海嶽儒宗博大寬仁神明朗鑒
嚮者綰符淮海蒞十州邑開高厚之慈普陽春

之施窮簷蔀屋在在蒙庥卽如不佞無似管豎
朽人不過學稼編蓬耳辱之門下罔我彼哉旣
已國士我而覆翼之又欲故人我而殊遇之竊
自幸何緣遂得濫受千古之知於門下也銘心
刺骨久久含藏僅壬子冬覓江都廖廣文計偕
便恪脩丹楫道感激之私申契闊之訊嗣後鱗
羽杳然而泰山北斗之望寧能瞬息去而左
右哉海邦盤錯知必借重使君而續滿以遷非
軼常格旋聞奉命出撫南國令人頓足起舞
管涔集

卷二

聖

歡笑絕倒輒時時遙望真人紫氣者久之竟遲
遲不至疑非傳信念之祇增鬱陶焉耳頃燕中
挾姑布術者董生來捧讀瑤翰若瞻台顏董生
醇篤士也一經品題術業大展推分溢美過垂
眼青時偶有吳越之游無能久留盤桓多方鼓
吹殊非本懷業囑其人直陳所以

答鶴川寧華岳廷評

時夢寐門下款不佞松竹下玉露沆瀣清冷澗
瀨覺而醒貴侍捧所頌天香出贈不佞駭以爲

奇乃信毗邪摩竭慧明所照有緣有因不似人間物突然來也門下疑是黃面瞿曇耶歡喜心勝布施不虛不佞敬和南頂禮用員滿功德第凡骨未淘業心未淨何復強欲渣穢玉容耶然滿室芬芳故應與瓚琦等倫

答南冀樊鯤翼孝廉

文章益難言矣膚淺者犯單弱病精深者犯刻骨病都非命中之技必醞藉遊本題內而元神行本題外斯爲文家三昧也昨觀足下回賜禹管涔集

卷二

四

稷二作詞理格調色色入神意落筆時亦必心得手應而妙不可語人者焉直使不佞試草退避三舍矣然而以瓦石博珠玉自覺便宜疑是足下暗投

